

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

§. III. Solvuntur objectiones,

[urn:nbn:de:hbz:466:1-77146](#)

DISPUTATIO TERTIA

204

stat in personis divinis multiplicari existentiam, non multiplicata in illis aeternitate. Secundò, quia cum duratio nihil aliud sit, quam continuatio rei esse; non possunt dari in personis divinis plures existentiae, nisi etiam dentur plures durationes, & consequenter plures aeternitates; cum aeternitas nihil aliud sit, quam duratio rei omnino immutabilis.

Minor vero probatur: Si admittantur in personis divinis tres aeternitates relativae, poterunt tres persona divina dici tres aeterni, non solum adiectivè & secundum quid, sed etiam substantivè & simpliciter: Consequens est falsum, immo & errosum, & contra Symbolum Athanasij, dicentes tres personas divinas non esse tres aeternos, sed unum aeternum, sicut nec tres increatos, aut tres immensos, sed unum increatum & unum immensum: Ergo &c. Sequela probatur: Multiplicata formam, & subiectum seu suppositum, etiam nomen substantivum multiplicatur, ut docent Dialectici in summulis: Sed si in personis divinis dentur tres aeternitates relativae, multiplicabitur in illis forma significata per hoc nomen; *aeternus*, scilicet aeternitas: Ergo tres personae divinae poterunt dici tres aeterni, non solum adiectivè, sed etiam substantivè.

Respondeat primò Suarez, ubi supra: quod licet dentur in personis divinis tres existentiae, immo & tres durationes, non tamen tres aeternitates: quia (inquit) aeternitas est attributum absolutum, secus verò existentia, aut duratio, & idem hæc multiplicatur in relationibus, non autem aeternitas.

209 Sed hæc responso est mera petitio principij: Cum enim, ut dicebamus, aeternitas vel ab existentia divina non distinguitur, vel sit modus illius; querimus cur aeternitas absoluta & existentia, vero abstrahat ab absoluta & relativæ? Item, cum aeternitas nihil aliud sit quam duratio esse divini, omnino immutabilis, inquirimus quare in personis divinis dentur tres durationes omnino immutabiles, & non tres aeternitates: hæc enim manifestam repugnantiam videntur involvere.

210 Confirmatur: Duratio adiquatè dividitur in aeternitatem, ævum, & tempus, ut suppono ex quæst. 10. & idem multiplicata duratione, debet necessariò multiplicari aeternitas, ævum, aut tempus: Sed duratio divinarum personarum, cum sit omnino immutabilis, & carens principio & fine, non est ævum, aut tempus, ut patet: Ergo est aeternitas: Ergo multiplicata existentia & duratione in tribus personis, debet multiplicari etiam aeternitas.

211 Confirmatur amplius: Multiplicata existentia in personis divinis, necessariò debet multiplicari in alijs ratio actus puri: ratio enim actus puri in summa actualitate confitens, ipsissimum existentiam designat, ut supra dicebamus: multiplicata autem in personis divinis ratione actus puri, immutabilitas etiam multiplicari debet, & consequenter aeternitas; que super immutabilitatem fundatur: Ergo datis pluribus existentijs relativis, concedi etiam debent plures aeternitates.

212 Respondet secundo Arrubal, durationem distinguere ab existentia rei durantis, & ideo non portare quod multiplicata existentia in personis divinis, in illis duratio & aeternitas multiplicentur, vel quod duratio divinarum personarum relativa sit, quamvis illarum existentia sit relativa.

213 Sed contra primo: in frequentiori Adversariorum sententia duratio ab existentia rei durantis indistincta est.

A

Contra secundò: Duratio est continuatio rei esse: Ergo si duratio divinarum personarum, non relativa, sed absoluta sit; illarum esse, non relatum, sed absolutum erit.

Contra tertio: Duratio rei convenienti illi ratione existentiae (cito distinguatur ab illa) Ergo vel existentia non multiplicatur in personis divinis, vel etiam duratio multiplicari debet. Probatur: Consequentia: sicut enim quia immutabilitas sequitur ad rationem actus puri, & ad immutabilitatem aeternitas; eo ipso quod ratio actus puri distinguatur in relationibus, fatentur Adversarij debere in illis immutabilitates & aeternitates distinguiri. Ita similiter, si duratio sequitur existentiam, multiplicatis realiter existentiis, debent etiam durationes, & consequenter aeternitas multiplicari.

Tertio alij respondent, quod licet in divinis personis non dentur tres aeternitates absolute, quia aeternitas absoluta ad solam naturam divinam consequitur, bene tamen tres aeternitates relativæ. Ad probationem vero in contrarium dicunt, quod Athanasius negat solam in divinis tres aeternos absolute & simpliciter, non tamen, cum addito, scilicet in generis relativi.

Verum hæc responso temeritate non erat: ex illa enim sequitur, salvâ fide, & absque injuria contextus Athanasij, posse concedi tres personas divinas esse tres Deos, aut tres omnipotentes relativæ: Consequens est absurdum & hereticum: Ergo &c. Sequela probatur: Athanasius eisdem verbis negat tres deos, & tres omnipotentes, quibus etiam negat tres aeternos: Ergo si licet interpretari Athanasium de tribus aeternis, non relativè, sed absolute, cilibet etiam licet eodem modo illum exponere, ac dicere, illum solum negare, tres divinas personas posse dici tres deos, autres omnipotentes, absolute & simpliciter, non tamen cum addito, & relativæ.

Præterea, Cum juxta illos Authores, eodem modo multiplicetur existentia in relationibus divinis, quo res, aut entitas; sicut persona divina absolute & sine addito dicuntur tres, aut tres entitatis: ita nequum cum addito, sed etiam absolute, poterunt dictrines existentes, & consequenter tres aeterni: quia cum aeternitas, vel ab existentia non distinguitur, vel sit modus illius, eodem modo multiplicatur, quo existentia, infra prædicta dicebamus.

§. III.

Solvuntur objectiones.

Obijunt primò Adversarij quædam SS. Patrum testimonia, quæ videntur favere illorum sententiae. In primis enim Augustinus lib. 5. de Trinit. cap. 6. dicit: *Aliud est esse Deum & aliud esse Patrem*: Ergo præter existentiam absolutam quā Deus existit, aliquod esse relativum in Patre videntur admittere. Item Cyrilus Alexandrinus dialogo de Trinit. lib. 1. loquens de Patre & Filio sic ait: *Vixque subsistit, propriaque habere dicitur existentiam*. Similiter Richardus à S. Victore lib. 4. de Trinitate cap. 17. ponit in Deo tres existentias incommunicabiles, ac proinde relativas. Denique D. Thomas quæst. 9. de potentia art. 5. ad 23. hæc scribit. *Ad perfectum Divinitatis perlinet, ut sint plures modi existendi in Divinis*.

Ad Augustinum respondeo ex doctrina Domini

DE RELATIONIBVS DIVINIS.

205

Thome, locis suprà relatis, esse sumi dupliciter: primo pro ratione per definitionem explicata: secundo pro esse existentie. Quando ergo Augustinus affirmat, quod aliud est esse Deum, aliud esse Patrem, loquitur de esse in priori conceptione, non autem in posteriori. Cyrillus autem & Richardus sumunt ibi existentiam, pro subsistentia personali, & non pro actu essendi, ut constat ex isto testo urbisque, & idem dici potest de dicto Thome. Veleiam responderi potest, illum solum velle, quod existentia essentialis & absoluta diverso modo conveniat divinis personis, non ve- pigniòd in illis sint plures existentiae relativae. Si enim divina essentia, licet unica & indivisibilis, alio modo est in Patre, & alio modo in Filio, & Spiritu Sancto: in Patre si quidem est à se habita, in Filio vero, ut communicata à Patre per generationem; & in Spiritu Sancto, ut ab utroque perpiratione communicata: ita & ejus existentia quando potest dici, quod dantur in Divinis tres modi existendi quidem esse, & in eodem esse, non unentes existentia relativae.

Objicunt secundò: Existentia relationis divinae debet esse relativa: Ergo & ratione distincta ab existentia essentiae, & multiplicata reallit. Consequentia patet, Antecedens probatur primo, quia existentia debet proportionari, & in eodem generi convenire cum entitate, cuius est existentia; quare entitas substantialis nequit existentia accidentali extra causas constitui, neque entitas accidentalis existentia substantialis: Ergo existentia relationis divinae debet esse relativa.

Secundo probatur idem Antecedens, ex ipsa definitione relativorum: relativa enim illa sunt, quorum totum esse est ad aliud se habere.

Tertio probatur: Si existentia divinarum relationum non est relativa, sed absolute, sequetur quod Pater eternus est ad se, & non ad alium; quod est contra rationem relativorum.

Respondeo negando Antecedens, ad cuius primam probationem, distinguo Antecedens: debet proportionari, quoad rationem communem substantialitatem & accidentis, concedo Antecedens. Quod alias peculiares rationes, nego Antecedens & Consequentiam. Ratio discriminis est, quia existentia & existentia debet se mutuo respicere, & unum per se constitutere; unde cum substantia sit absolute ab omni respectu ad extrinsecum, nec possit cum accidente unum per se constitutere; consequens est quod convenientia in ratione substantiae desideretur inter existentiam & existentiam, scilicet convenientia in aliis peculiariis rationibus, quibus mutua resipientia sine tali convenientia competere potest.

Vel secundo responderi potest ad eandem primam probationem Antecedens negati, distinguendo Antecedens. Existentia, & primum illius susceptivum, debet proportionari, & prædicta convenientia gaudere, concedo Antecedens: Existentia & secundum susceptivum, nego Antecedens, & Consequentiam: non enim relativum divina, sed essentia, est quasi primum susceptivum di-

vina existentia.

Potest hoc responsio dupli exempli illustrari. Primum est de essentia divina ut habet rationem specie intelligibilis, ut sic enim habet omnimodo convenientiam tantum cum intellectu divino, quem per se primo respicit, non autem cum intellectu humano, quem per se secundario. Secundum definiunt ex naturalibus, nempe ex materiali & animarionali, quæ existunt in hominie.

Tom. II.

A per unicam simplicem existentiam immaterialem; quia cum anima rationalis sit primum susceptivum existentiae, materia vero secundarium tantum; existentia non debet proportionari omnino materia, sed anima rationali.

Ad secundam probationem Antecedentis principialis respondet, esse quod ponitur in definitione relativorum, non lumen pro existentia; nam esse quod pro existentia sumitur in relatione, non est ad aliud se habere, sed inesse, ut docet D. Thomas quest. 8. de potentia artic. 2. ad 12. Sumitur ergo ibi esse, pro quidditate, seu ratione formalis. Unde ad tertiam probationem distinguendum est Antecedens: Pater eternus est ad se, quoad existentiam, concedo: quoad quidditatem seu rationem relativam, nego.

Objicunt tertio: Qualibet realis productio tendit ad existentiam rei productæ, que alias sine tali productione non est: Sed personalis productio in Divinis, non tendit ad existentiam absolute essentiae, tum quia existentia essentiae non producitur, tum etiam quia supponitur in persona producente: Ergo necessariò tendit ut in terminum proximum, in existentiam personalem relativam, ratione distinctam ab existentia essentiae.

Respondeo distinguendo Majorem: tendit ad existentiam, ut producendam vel communicandam entitati productæ, concedo Majorem: semper producendam, nego Majorem, & etiam Minorem, quam non convincunt duas probationes adductæ. Non quidem prima, quia licet productio debeat ad existentiam terminari, non tamen semper debet illam producere. Nec etiam secunda: quia quamvis existentia essentiae supponatur in Patre, pro priori originis ad Filium, non tamen supponitur ut Filio communicata, & ideo generatio tendit ad illam, non ut producendam, nec Patri communicandam, sed ut communicandam Filio. Et certè principalius tendit productio ad terminum formalem, quam ad existentiam rei, que terminus formalis non est, sed conditio termini; & tamen divina essentia, quæ in sententia plurium ex Adversariis est formalis terminus productionis personalis, non producitur, sed communicatur: Ergo licet terminetur ad existentiam, non recte colligitur illam debere esse productam. Et ratio a priori est, quia rem producere, est illam existentem constitutere, quod cum possit fieri, vel producendo existentiam, vel existentiam alias productam, seu inproductam communicando, ideo non est de ratione productionis existentiam producere.

Objicunt quartò: Relationes creatæ habent propriam existentiam, distinctam ab existentia subjecti & fundamenti: Ergo & relationes divinae. Antecedens recipitur communiter à Thomis in Philosophia, est enim relatio ens complectum in suo genere, realiter distinctum à fundamento, atque ita postulat sibi proprium actum essendi. Consequens vero probatur ex paritate rationis.

Respondeo concessso Antecedente, negando Consequentiam, & paritatem: nam ideo relatio creta habet propriam existentiam, distinctam ab existentia subjecti & fundamenti, quæ est limitata, & ratione limitationis non potest cum subiecto & fundamento identificari, sed debet necessariò cum eo facere compositionem accidentalem: relatio vero divina caret limitatione, atque ita identificat sibi quidquid est absolutum in Deo, & consequenter existentiam essentiale. Unde ex infinita perfectione divinarum relationum provenit,

C c iiij

DISPV TATIO TERTIA

quod non habeant propriam existentiam, sed existant per existentiam naturae & ex imperfectione relationum creaturarum, quod afferant proprias existentias.

²²⁷ Objiciunt quinto: Existentia est forma quā aliiquid constitutur extra nihil: Sed divinae relationes & essentia differunt in hoc quod est ponit extra nihil: Ergo differunt in ratione existentiae. Major est certa, Minor probatur, Filiatio v.g. est extra nihil per productionem, & ab alio ut principio, essentia autem sine productione, & à se; cùm filiatio sit producta, essentia vero improducta: Ergo differunt in hoc quod est esse extra nihil.

²²⁸ Respondeo distinguendo Majorem: Est forma quā aliiquid constitutur extra nihil, completere & totaliter, concedo Majorem. Incomplete & inchoative, nego Majorem. Similiter distinguo Minorem: Divinae relationes & essentia, differunt in hoc quod est ponit extra nihil: incomplete & inchoative, concedo Minorem. Complete & totaliter, nego Minorem, & Consequentiam.

Explicatur: Ad rem extra nihil ponendam duo concidunt, ut docent nostri Thomistæ in Metaphysica; entitas scilicet, veluti subjectum existentiae, & existentia ipsa. Entitas ut est subjectum existentiae, pro priori natura ad illam, & in eo signo in quo causa suas exercit causalitates, est extra nihil in completè, inchoative, vel (ut alii loquuntur) in esse vitali; ratione vero existentiae est extra nihil completere & totaliter: quod in creatis contingit cum distinctione reali inter entitatem & existentiam, in Divinis vero cum distinctione virtuali secundum aliquos, aut eminentiā secundum orationes. Dicimus ergo, in hoc quod est esse extra nihil inchoative (quod competit relationi ratione entitatis) diversitatem esse inter filiationem & existentiam divinam, scilicet autem in hoc quod est esse extra nihil complete (quod convenit illi ratione existentiae) nisi ad summum quoad modum, quatenus essentia hoc habet à se, filatio vero ut communicatum ab alio, ad quam diversitatem modalem non requiritur diversa existentia, sed sufficit eadem, primariò essentia convenientis, & secundariò filiationi communicata. Sicut ut essentia divina alio modo dicatur esse in Patre, & alio modo in Filio: non requiritur quod diversificetur, aut multiplicetur in illis, sed sufficit quod in Patre sit à se habita, in Filio vero, ut communicata à Patre per generationem,

²²⁹ Objiciunt ultimò Adversarii, & est præcipuum illorum fundamentum. Existentia nihil aliud est, quam entitas actualis: Sed relationes divinae, ut virtualiter distinctæ ab essentia, sunt tres entitates actuales, realiter distinctæ inter se, & ratione ab entitate actuali essentiae: Ergo sunt tres existentiae realiter distinctæ inter se, & ratione ab existentia essentiae.

²³⁰ Respondeo primò, negando Majorem. Ut enim docent nostri Thomistæ in Metaphysica, existentia non est res ipsa actualis, sed potius ipsa actualitas, quā sibi extra causas, & ponitur extra illarum causalitates & dependentias: unde existentia dicitur quasi extra causas existentiae.

Respondeo secundò, data Majori, distinguendo Minorem: Sunt tres entitates actuales, numero cadente super entitatem, concedo Minorem: cadente super ipsam actualitatem, nego Minorem, & consequientiam. Itaq; sicut tres personæ divinae sunt & dicuntur tres sapientes adjective ab eadem sapientia, & tres omnipotentes ab eadem omnipotencia: ita sunt & dicuntur tres entitates

A actuales, ab eadem actualitate & existentia in illis inclusa; quia in nominibus adjectivis numerus non formas sed subjectum numerat, ut docet Dialectici in summulis.

Dices: Paternitas, prout ratione distinctæ ab essentia, non solum est actualis, sed est etiam actualis ab actualitate essentiae ratione distinctæ. Ergo gauder existentia relativæ, ratione distinctæ ab existentia absoluta essentia. Consequenter videtur bona: quia existentia in actualitate consistit. Antecedens verò probatur primo: quia paternitas, ut ratione distinctæ ab essentia, non est potentialis; potentialitas enim dicit imperfectionem deo repugnante: Ergo prout sic distincta, est actualis, immo & actualitas. Probatur secundo:

^B quia paternitas, ut ratione ab essentia distincta, actu refert Patrem aternum ad Filium, illuminat à Filio actu distinguunt: Ergo ut sic est actualitas quadam, ratione distinctæ ab actualitate essentiae.

Respondeo primo, distinguendo Antecedens. Est actualitas entitativa, ratione distinctæ ab actualitate essentiae, translat antecedens. Et actualitas existentiae, nego Antecedens, & Consequentiam: ad cuius probationem eadem distinctione utendum est, & concessio utroque Antecedente, eodem modo distinguiri debet utrumque Consequens. Solutio patet ex his que docent nostri Thomistæ in Physica, admittentes in partibus compotiti plures actualitates entitativas, negotes vero plures existentias.

Respondeo secundò, negando Antecedens. Ad cuius primam probationem, concessio Antecedente, nego Consequentiam. Nam ut paternitas, prout virtualiter distinctæ ab essentia, non sit potentialis, non requiritur quod prout sic distincta, sit actualis explicitè, sed sat est ut implicet actualitatem essentiae: sicut ut sit increata, sufficit quod ratio entis increata in illa implicitè includatur, nec exigitur quod illa in personis divinis multiplicetur; alias (ut suprà dicebamus) darentur Divinis plures increata substantiae. Similiter ad secundam probationem, concessio Antecedente, neganda est Consequentia: quia ut paternitas actu referat Patrem aternum ad Filium, illuminat à Filio actu distinguunt, non est necesse quod ratione expliciti ei actualitas convenient, sed sufficit quod ei competit ratione essentiae, quam implicitè includit.

DISPV TATIO IV.

De personis divinis.

Ad questionem 29. D. Thomas.

^A Consideratione divinarum processionum & relationum, juxta præscriptum ordinem initio tractatus, ad considerationem divinarum personarum in communi descendimus, & duo breviter hic examinanda suscipimus. Primum est, an ratio personæ verè & propriè reperiatur in divinis? Alterum: quodnam sit formaliter significatum hujus nominis, Persona Divina! Per quid vero divinae personæ constituant, dicimus infra, quando de personis in comparatione ne ad relationes sive proprietates differemus?